

0410

幼
种
指南

下

幼科醫學指南卷之三

沙城周震慎齋著

瀨水

吳

恒鶴山

葛三省完素

全較

潘

寅山曉

心經主病

心主驚邪氣實則叫哭發熱飲水而摘用導赤散瀉

心湯主之正氣虛則困卧悸動不安用錢氏安神

朱氏

丸主之經曰熱淫於內治以甘寒以苦泄之故用

黃連之苦寒去心熱除煩躁爲君甘草生地瀉心
火補氣生陰血爲臣當歸補血不足硃砂鎮浮遊
之火以安其神也

晉合面卧心氣熱以致心胸亦熱所以欲言不能而
欲就涼治以導赤散

晉仰面卧心胸氣澁上下不通而然治以瀉心湯凡
口中氣溫目窻搖頭咬牙俱心熱也

心經兼症

驚悸不安多啼此心臟本病宜導赤散加硃砂主之
甚者涼驚丸三黃瀉心湯主之

兼見肝症則發熱而搐用木通散主之

兼見脾症則嗜卧夢中咬牙多驚錢氏安神丸主之

兼見肺症則發熱發搐而喘用清寧散主之

兼見腎症則為驚癇發熱發則忽然跌倒咬牙搐搦

手足厥冷過後則醒精神恍惚宜用天水散主之

醫按一見驚後成癇予立方用天水散一料以去

痰涎旬日而愈

一兒久得癰病予視其兩目渾白鮮有精光語言
蹇澁舉動癡迷曰不可治矣後果死蓋久驚成癰
乃痰迷心竅之症最爲難治或爲五癰有牛馬猪
羊狗之名未見方書不必拘定錢氏五癰九祖訓
未用予亦不敢輕用也但兒有是症者當先觀其
狀貌而治之如伶俐聰明者可治若成癡呆言語
錯亂不可治也伶俐者用琥珀抱龍丸主之

一兒驚病常發予曰若不急治必成癇也乃立一方服之後竟不發用枳實黃連半夏白茯苓各半硃砂飛神曲炒減半共末爲丸如茨實子大硃砂爲衣每服一丸獐猪心一枚破開入藥扎緊瓦罐內煮熟食之仍以原湯送下

心所生病

經曰諸痛痒瘡瘍皆屬心火發揮云心火者君火也君務德而不爲毒爲痛痒瘡瘍者乃命門相火之

所爲也小兒癰毒丹毒疥癬一切惡瘡皆是胎毒
蓋由父母命門之中原有伏火胚胎之始兒已受
之旣生之後其火發洩是以古人立拭口法有黃
連甘草硃砂蜜法又有取臍帶合藥名育嬰延齡
丸及予所立生熟解毒丸乳母所服溯源解毒湯
皆爲胎毒而設也

兒丹瘤卽紅絲瘤又名火帶此胎毒之最惡者二
歲以上者可治半歲者百難一生也發毒處若硬

一塊赤甚手不可近併遊走甚速自頭至心卽死
自足至腰卽死古人雖有治法悉無足取惟用蜚
針砭法出惡血以洩其毒十活六七真良法也經
云血熱者決之是也切忌用寒涼藥敷之使火毒
入腹爲脹爲疼爲喘爲煩躁爲驚狂爲搐搦者必
死宜用通聖散全料入滾水中浸胖晒干研末蜜
水調服外用通聖散加金銀花藤煎湯浴之以散
加加生藥才米脂成粉
其火亦火鬱則發之義也或用加味導赤散或用

瀉青丸如先丹後驚者不治

瘡癰干者用胡麻丸主之若浸淫潰爛肉無完膚
日夜啼哭者不治切不可用砒硫輕粉糝之使毒
氣乘虛入腹致兒發搐而死

醫按一兒生下遍身虫疥干痒喜人摩拍予用烏

蛇肉

胡麻

苦參

各一錢

白蒺藜

炒生刺
一錢半

即用浸參

蛇之酒打糊爲丸甘草湯下愈

兒瘡毒入腹肚脹大小便不通或喘或搐者宜用

雄黃解毒丸治之

小兒或項上頸上耳前後有結核者此熱也切不可
作癰瘰治之內服斑毛外施針火及爛藥以致斃
命予家新製一方名爲消結神應丸最效

馬刀生於耳之前後腫硬赤痛俗云疔腮宜用敗毒
散敷之

肥瘡久不愈膿血堆積用烟膠松花共末青油調搽
之脫其毒而中效也
軟癰不愈用紫金丹磨塗否則或用苦參研末搽

之風多取水銀於手心中吐涎調搽之風盡死
耳前後或鼻下眉間生瘡赤爛用盧甘石海螵蛸
共末入輕粉三之一和敷之

背生瘡痛痒不常經久不愈俗名牛脰癬用雞子
黃熬油搽之

上生瘡此心脾二經之熱也用黃栢散敷之

口生瘡乳食不得用洗心湯最妙

口生白雪瘡曰鵝口予先翁用硃砂白礬敷效予

加黃栢黃連末一錢婦人三分焙干研末敷之

牛膝早白粉各半

重舌木舌重齟急用三稜針刺出惡血勿令咽下內服東垣涼膈散凡口內生瘡諸病惟針最捷

舒舌者心熱也宜導赤散主之弄舌者脾熱也宜瀉黃散主之

凡驚後其氣不散鬱而生痰痰生熱熱生風如此而發搐者陳氏所謂氣逆而作搐發驚是也此驚風二字所以不同因驚而發搐者心火甚而肝木乘

之也宜先止其搐宜導赤散送下河間當歸蘆薈
丸後安其神以錢氏安神丸主之有痰壅盛者又
宜先降其痰用辰砂膏次止其搐後安其神○予
先翁治驚風用至聖保命丹蓋風從肝治驚從心
治至聖保命丹止搐之聖藥也予加蟬脫一錢使
君子肉一錢五分

醫按一公子病驚風醫作風治予曰非風也乃得
之於驚蓋風從肝治驚從心治也以至聖保命丹

治之而搐止又心熱則煩心屬火故惡熱夜啼用
導赤散治之而愈

一公子夜啼醫以爲腹痛用理中湯又以爲傷食
用益黃散皆不效予曰夜啼有四心煩則面多赤
腹痛則面多青傷食則面多眇白今公子面多赤
心煩無疑矣遂用導赤散加麥冬燈心數帖而愈
小兒性多執拗凡平日親愛之人玩弄之物不可失
也失則心思思則傷脾昏睡不食求人不得則怒

怒則傷肝啼哭不止此忤其心也平日未親之人
未見之物不可使之見見則驚驚則傷胆未親之
人不可使之迫近近則恐恐則傷腎今兒成癇此
皆客忤病也今之爲父母者稱所畏以止其哭爲
醫者因兒不服藥則持針以搏之火灸以迫之令
兒生病而已

諸汗

汗者心之液也惟頭不必治蓋小兒乃純陽之體而

頭爲諸陽之會心屬火額汗者火炎上之象也爲清陽發越之象故不必治

自汗者晝夜不止此氣血俱熱榮衛虛也宜當歸六黃湯主之

盜汗者睡中自出醒卽止也其病在腎用桂枝六黃湯加錢氏止汗散主之

醫按一子七歲頭面汗出如流用人參當歸同獐猪心煎湯服之而愈

諸熱

兒病則有熱熱則有風不可不調理也

熱者目中青手亂捻物及尋衣領宜瀉青丸河間
當歸蘆薈丸主之如身熱口中亦熱謂之風熱亦
肝熱也宜生犀散脫甲散治之

熱者目中赤視其睡中口氣溫喜合面卧或仰面
卧上竄咬牙宜黃連安神丸主之如久熱不已亦
心熱也甚則發搐用黃連安神丸加當歸治之目